



روڈ میپ واسطے راضی ہیں تے اس ضمن مانہ فوجی تربیت صلاحیت سازی اور دفاع صنعت جیسا شعباں مانہ خاص مدد ملے گی۔ اُنہاں نے اس گل و خوشی غواظہا ر کرتاں وان کہیو جے جی 20 سر براہی اجلاس مانہ بھارت غی طرفوں شروع کی گئی عالمی بایو اندھن اتحاد مانہ تنزانیہ نے شامل ہون غوا فیصلو کیو ہے۔

<><><><><><><><><><>

## ECI Election Dates

اسمبلی چناؤ میزورم، چھتیس گڑھ، مدھیہا پردیش، راجستھان تے تلنگانہ مانہ اگلے مہینے 7 تا ریخ توں لے کے 30 تا ریخ تک ویں گا۔ تے ان 5 ریاستاں مانہ گنتری 3 دسمبر نانہ وے گی۔ چناؤ کمیشن نے اج ان 5 ریاستاں مانہ ہون آلا چناؤ غی تا ریخ غوا اعلان کیو ہے۔ میزورم مانہ چناؤ 7 نومبر نانہ ویں گا۔ تے اس غی نوٹیفیکیشن اس مہینہ غی 13 تا ریخ نانہ جاری کی جائے گی۔ نویں دہلی مانہ اخباری نمائنداں سنگ گل کرتاں وان چناؤ کمیشن گا سربراہ راجیو کمار نے کہیو جے ان 5 ریاستاں مانہ ہون آلا اسمبلی چناؤ اک منفرد اہمیت رکھیں کیونجے 2024 مانہ ہون آلا بڑا چناؤ توں پہلاں یہ آخری چناؤ ہیں۔ اُنہاں نے کہیو جے چناؤ کمیشن ان 5 ریاستاں مانہ آزاد تے منصفانہ چناؤ کراوے گی۔ راجیو کمار نے کہیو جے چناؤ کمیشن اس گل و زور پارہی ہے جے بالکل صحیح طریقہ سنگ ووٹر لسٹ وی تیار کی جا ئے۔ اُنہاں نے کہیو جے ان 5 ریاستاں مانہ 6 سو 79 اسمبلی سیٹ ہیں تے 16 کروڑ ووٹر ہیں۔ لگ بھگ 60 لکھ نواں ووٹر ان چناؤ مانہ حصو لیں گا۔

<><><><><><><><><><>

## ECI JK

چناؤ کمیشن نے اج کہیو ہے جے جموں کشمیر مانہ چناؤ حفاظتی صورتحال نانہ مد نظر رکھتاں وان صحیح وقت وں کرایا جائیں گا۔ چناؤ کمیشن غا سربراہ راجیو کمار جس ویلے 5 ریاستاں مانہ ہون آلا چناؤ غی تاریخاں گو اعلان کر رہیا تھا اُس پریس کانفرنس مانہ ہی اُن نے جموں کشمیر غا چناؤ بارے وی دسیو۔ اُنہاں نے کہیو جے جموں کشمیر مانہ چناؤ حفاظتی صورتحال نانہ مد نظر رکھتاں وان صحیح وقت وں کرایا جائیں گا۔

<><><><><><><><><><>

## BJP Congress

بی جے پی نے چناؤ کمیشن غی طرفوں کیا گیا 5 ریاستاں غا اسمبلی چناؤ غی تاریخاں غوا استقبال کیو ہے۔ اک سماجی میڈیا پوسٹ مانہ بی جے پی گا پارٹی صدر جے پی نڈا نے کہیو ہے جے وزیر اعظم نریندرمودی غی سربراہی مانہ ہم ان 5 ریاستاں مانہ اکثریت نال جت حاصل کر غے سرکار بناواں غا تے اگلا 5 بہراں مانہ اُت غا لوکاں غی خواہشات پوری کرن خاطر کم کراں گا۔ کانگریس نے وی کہیو ہے جے واوی اکثریت نال ان 5 ریاستاں مانہ لوکاں غا اعتماد تے حمایت نال جت حاصل کریں گا۔ کانگریس پارٹی نے اک سماجی میڈیا

پوسٹ مانہہ کہیو ہے جے ان ریاستاں مانہہ کامیابی حاصل کرن نال کساناں، مزدوراں،  
نوجواناں تے کالسریاں غی جت وے گی۔

<><><><><><><><><><><>

## India SA

بھارت تے سعودی عرب نے اک برقی باہمی رابطہ سبز تے صاف ہائیڈروجن تے سپلائی چین  
غا میدان مانہہ گذشتہ روز اک مفاہمت نامہ ور دستخط کیا گیا۔ یوہ مفاہمت نامہ بجلی تے قابل  
تجدید توانائی غا مرکزی وزیر آر کے سنگھ تے سعودی عرب گا توانائی غا وزیر عبدالعزیز  
بن سلمان السعود غے بشکار ریاد مانہہ دستخط کیو گیو ہے۔ اس مفاہمت نامہ غو مقصد دوہاں  
ملکاں غے بشکار بجلی غا باہمی رابطاں، ہنگامی حالات غے دوران بجلی غا تبادلہ سبز تے  
صاف ہائیڈروجن غی مشترکہ پیداوار اور قابل تجدید توانائی غا شعبہ مانہہ تعاون واسطے اک  
عوامی فریم ورک قائم کرنو ہے۔ تے مواد غی محفوظ قابل اعتماد تے شاندار سپلائی چین وی  
قائم کرنو ہے۔

<><><><><><><><><><><>

## Hardeep- Energy

پیٹرولیم غا وزیر ہر دیپ سنگھ پوری نے اج کہیو ہے جے اجزائیل تے فلسطین بش اک ر  
چل رہیو تنازو ہندوستان واسطے توانائی غو مسلو نہیں بنے گو۔ 26 ویں توانائی تکنیک غو  
نوی دہلی مانہہ افتتاح کرتاں واں جناب پوری نے کہیو جے سرکار اس مسئلہ نانہہ دھیان نال  
دیکھ رہی ہے۔ انہاں نے کہیو جے اس مسئلہ غو سرکار ہل لوڑ لے گی۔ وزیر موصوف نے کہیو  
جے سرکار توانائی غی منتقلی طرف جا رہی ہے۔ انہاں نے مزید کہیو جے ہندوستان مانہہ  
توانائی غی منتقلی سب توں پہلاں جیواسم توں صاف ایندھن تے اس توں بعد قابل تجدید غی  
طرف وے گی، یاه 3 روزہ تقریب ابھرتا ہوا توانائی گا رجحانات تے تظہیر غا مستقبل غا موضوع  
ور مبنی ہے۔

<><><><><><><><><><><>

یہ خبر تم آکاشوانی جموں تیں سن رہیا ہیں خبراں غا باقی حصہ نال محبوب سلطانی۔

## VDG-SPO JK

جموں کشمیر مانہہ شہریاں نانہہ دہشت گرداں توں بچان کاطر کل 4 ہزار 1 سو 53 گرائیں دفا  
عی گروپز تے 32 ہزار 3 سو 55 خصوصی پولیس افسراں نانہہ بکھ بکھ ذمہ داری مانہہ  
تعینات کیو گیو ہے۔ داخلہ امور غی وزارت غی طرفوں سالانہ جاری ہون آلی رپورٹ غے  
مطابق پچھلی 3 دہائی مانہہ سرحد پار مدد سنگ سلامتی صورتحال نانہہ دہشت گرداں غی  
طرفوں متاثر کیو گیو ہے تے اس ضمن مانہہ موجودہ جموں کشمیر مانہہ جاری دہشت گردی  
بین القوامی سرحد تے قبضہ لکیر غے اس پار سنگ جڑی وی ہے۔ داخلہ امور بارے مرکزی  
وزارت غی سالانہ رپورٹ مانہہ دسیو گیو ہے جے سلامتی صورتحال غے مد نظر جموں کشمیر



غے کم کرن نانہہ پی ایم وشیو کرما سکیم غے تحت فروغ ملیو ہے۔ اس سکیم غو مقصد پورا ہندوستان مانہہ فنکاران نانہہ با اختیار بنانو ہے۔ مہارا ضلع جموں غا نامہ نگار انکوش شرما سنگ گل کرتاں واں محمد ریبان تے لیلو کمار نے اس طرح کہیو۔۔۔ با ئیٹ۔

<><><><><><><><><><>

ITI Kishtwar

ہئر ترقی تے انٹر پریو نر شپ وزارت غے تحت سرکاری صنعتی تربیتی اداراں یعنی آئی ٹی آئی کشتواڑ نے ضلع صنعتی مرکز غے نال مل غے آئی ٹی آئی کشتواڑ غا پرنسپل انوپ شرما غی نگرانی مانہہ وزیر اعظم سکل انڈیا مشن غا حصہ غا طور ور اک پردہان منتری نیشنل اپرنٹی شپ میلہ گو انعقاد کیو۔ ہُن تک 80 افراد اس میلہ مانہہ حصو لے چکا ہیں۔ اس اک روزہ تقریب مانہہ 15 بکھ بکھ شعبہ تے 15 مختلف تجارتاں بارے دسیو جائے گو۔ مہارہ ضلع غا نامہ نگار سنگ گل کرتاں واں آئی ٹی آئی کشتواڑ غا پرنسپل انوپ شرما نے نے اس طرح کہیو۔۔۔ با ئیٹ۔

<><><><><><><><><><>

اس غے نال ہی خیراں غو یوہ بلیٹن مُک گیو۔

<><><><><><><><><><>